

## REGLUGERÐ

### um menntun, réttindi og skyldur matarfræðinga í sjúkrastofnunum.

#### 1. gr.

Rétt til þess að kalla sig matarfræðing og starfa sem slíkur hefur sá einn, er til þess hefir leyfi heilbrigðismálaráðherra.

#### 2. gr.

Leyfi samkvæmt 1. gr. má veita þeim, sem lokið hafa prófi frá skólum sem viðurkenndir eru af heilbrigðis- og tryggingamálaráðuneytinu og heilbrigðisyfirvöldum þess lands þar sem námið er stundað.

Leita skal umsagnar landlæknis og Félags matarfræðinga áður en leyfi er veitt.

#### 3. gr.

Starf matarfræðinga er að annast yfirstjórn á rekstri eldhúss, matargerð og framreiðslu matar í stofnunum, þar sem sjúklingar dveljast eins og þær eru skilgreindar samkvæmt 4. kafla laga nr. 59/1983 um heilbrigðisþjónustu.

#### 4. gr.

Óheimilt er að ráða sem matarfræðinga í sjúkrahússtofnanir aðra en þá, sem hafa starfsleyfi samkvæmt reglugerð þessari.

#### 5. gr.

Matarfræðingi er skylt að gæta þagmælsku um atriði, sem hann fær vitneskju um í starfi sínu og leynt skulu fara samkvæmt lögum og eðli máls. Þagnarskyldan helst, þótt hann láti af törfum.

#### 6. gr.

Matarfræðingi ber að þekkja skyldur sínar, viðhalda þekkingu sinni og tileinka sér nýjungar er varða starfið.

#### 7. gr.

Um matarfræðinga í sjúkrastofnunum gilda að öðru leyti og eftir því sem við getur átt, læknalög nr. 80/1969 með síðari breytingum. Reglur læknalaga gilda m.a. um sviptingu og endurveitingu starfsréttinda.

#### 8. gr.

Reglugerð þessi, sem sett er samkvæmt lögum nr. 24/1985 um starfsheiti og starfsréttindi heilbrigðisstétta, öðlast gildi þegar við birtingu.

#### *Ákvæði til bráðabirgða.*

Heilbrigðismálaráðherra getur út árið 1988 veitt þeim, sem eru stjórnendur matargerðar í sjúkrastofnunum og lokið hafa sambærilegu námi og matarfræðingar, starfsleyfi samkvæmt reglugerð þessari. Í slíkum tilvikum skal leita umsagnar landlæknis og Félags matarfræðinga áður en leyfi er veitt.

*Heilbrigðis- og tryggingamálaráðuneytið, 20. janúar 1988.*

**Guðmundur Bjarnason.**

Páll Sigurðsson.